

Na temelju prečišćenog teksta Statuta broj OPU-IP-235/09 od 25.06.2009. godine, Odlukama o izmjenama i dopunama Statuta, člana 7. i člana 28. Odluke o dokumentima koji se prilažu uz zahtjev za izdavanje odobrenja za rad (Službene novine br. 31/09 i 78/13) Uprava Društva ASA OSIGURANJE d.d. Sarajevo d o n o s i:

OPĆI USLOVI ZA OSIGURANJE ODGOVORNOSTI VOZARA ZA ROBU PRIMLJENU NA PREVOZ U MEĐUNARODNOM TRANSPORTU

I - OPŠTE ODREDBE Primjena uslova

- Ovi Opšti uslovi za osiguranje odgovornosti vozara za robu primljenu na prevoz u međunarodnom transportu (u daljem tekstu: Opšti uslovi) sastavni su dio Ugovora o osiguranju odgovornosti vozara za robu primljenu na prevoz u međunarodnom transportu (u daljem tekstu: ugovor o osiguranju), kojeg Ugovarač osiguranja sklopi sa ASA OSIGURANJE d.d. Sarajevo (u daljem tekstu: Osiguravač).
- Pojedini pojmovi u Općim uslovima za osiguranje odgovornosti vozara za robu primljenu na prevoz u međunarodnom transportu znače:
 - Osiguravač je ASA OSIGURANJE d.d. Sarajevo sa kojim je sklopljen ugovor o osiguranju.
 - Ugovarač osiguranja je osoba koja s Osiguravačem sklopi ugovor o osiguranju.
 - Ponudač je osoba koja u namjeri da sklopi osiguranje podnese pismenu ili usmenu ponudu Osiguravaču.
 - Osiguranik je prevoznik u drumskom prevozu (privatnik, pravno lice i sl.) koji je u skladu sa propisima registrovan za obavljanje djelatnosti drumskog prevozu i kome pripadaju prava iz osiguranja.
 - Treće lice - lice koje nije subjekt ugovora o osiguranju, odnosno lice čija odgovornost nije obuhvaćena ovim osiguranjem;
 - Polisa osiguranja je isprava o sklopljenom ugovoru o osiguranju.
 - Ponuda je pismeni obrazac Osiguravača na kojem podnositelj ponude izjavljuje svoju volju za sklapanje ugovora o osiguranju.
 - Osigurani slučaj - budući, neizvjestan i nezavisan o isključivoj osiguranikovoj volji, štetan događaj koji ima za posljedicu nastajanje štete čiju bi nadoknadu moglo zahtijevati treće oštećeno lice;
 - Osigurana suma - najveći iznos obaveze osiguravača za svaki osigurani slučaj, odnosno najveći kumulativan iznos obaveze osiguravača tokom perioda osiguranja;
 - Premija je iznos koji Ugovarač osiguranja plaća Osiguravaču.
 - Naknada štete je iznos koji plaća Osiguravač prema sklopljenom ugovoru o osiguranju.
 - Prevoznik je fizička ili pravna osoba koja ima licencu za obavljanje prevoza.
 - Unutrašnji prevoz je prevoz koji se u cjelosti (uključujući polazno i odredišno mjesto) odvija na području Bosne i Hercegovine.
 - Međunarodni prevoz je prevoz koji se djelimično ili u cjelosti odvija izvan granica Bosne i Hercegovine.
 - Prevozno sredstvo je cestovno motorno vozilo s kojim se prevozi teret, uključujući priključno vozilo.
 - Vozarina- naknada koju plaća naručilatelj vozaru za izvršeni prevoz robe.

Član 1. Predmet osiguranja

- Po ovim Uslovima osigurava se odgovornost vozara za dokazani potpuni ili djelomični gubitak ili oštećenje na pošiljkama stvarno preuzetim na prevoz sa međunarodnom prevoznom ispravom ili ugovorom u obimu i pod uslovima navedenim u članu 3, 4 i 5 ovih Uslova.
- Osiguranik može osigurati svoju odgovornost za potpuni ili djelomični gubitak ili oštećenje:
 - na svim pošiljkama koje preuzme na prevoz,
 - samo na određenim pošiljkama, ili isključiti iz osiguranja pokriće za neke pošiljke uz uslov da su takve ugovorne odredbe navedene u polisi osiguranja i da prevoznik vodi posebnu evidenciju o takvim pošiljkama,
 - na pojedinačnim pošiljkama.

Član 2. Utvrđivanje odgovornosti

- Odgovornost Osiguranika u smislu ovih Uslova osiguranja utvrđuje se prema:
 - Konvenciji o ugovoru za međunarodni prevoz robe drumom (CMR Konvencija),
 - Zakona o sigurnosti u cestovnom prometu FBiH,
 - Zakon o obligacionim odnosima.
- U smislu ovih Uslova neće se smatrati da je osigurana šira odgovornost od tako utvrđene odgovornosti.

Član 3. Obim pokrića

- U smislu ovih Uslova može se ugovoriti:
 - šire pokriće „A“ kombinacija - svi rizici
 - uže pokriće „B“ kombinacija - osnovni rizici
 - 1.1. Osiguravajuće pokriće „A“ kombinacija - svi rizici**
Osiguravač će nadoknaditi osiguraniku sve štete koje ovaj treba da plati iz osnova prevozničke odgovornosti u smislu člana 2. ovih Uslova osiguranja, osim šteta nastalih iz uzroka navedenih u članu 4. i 5. ovih Uslova osiguranja.
 - 1.2. Osiguravajuće pokriće „B“ kombinacija - osnovni rizici**
Osiguravač će nadoknaditi osiguraniku sve štete koje ovaj treba da plati iz osnova prevozničke odgovornosti koje nastanu kao posljedica:
 - saobraćajne nezgode prevoznog sredstva,
 - požara ili eksplozije (osim ako je šteta nastala usljed samozapaljenja ili eksplozije same pošiljke), i
 - krađe ili razbojništva, kao i krađe cijelog vozila sa robom osim šteta nastalih iz uzroka navedenih u članu 4. i 5. ovih Uslova osiguranja.
 - Maksimalna obaveza Osiguravača po štetnom događaju za jedno prevozno sredstvo (limit pokrića) ne može preći iznos koji odredi Osiguravač. Obaveza Osiguravača se ograničava na običnu štetu iznos limita pokrića obavezno se upisuje u polisu osiguranja.
 - Osiguranik može ugovoriti osiguranje i preko limita iz predhodnog stava za svaki takav konkretan prevoz, s tim da takve pošiljke prijavi 48 sati prije početka putovanja. U tom slučaju ispostavlja se posebna polisa osiguranja u koju se obavezno navodi registarski broj i nosivost vozila kojim se obavlja takav prevoz.
 - Osiguravač će nadoknaditi osiguraniku i sijedeće:
 - troškove spora, pravnih radnji preduzetih u vezi s tim štetama (ako su učinjeni u sporazumu sa Osiguravačem radi odbrane od neosnovanih ili previsokih zahtjeva trećih lica) i presudene kamate.
 - stvarne troškove spasavanja, ali najviše do iznosa vozarine, po štetnom događaju.
- Osiguravač će nadoknaditi ove troškove i ako oni pređu maksimalnu obavezu iz tačke 2. ovog člana.

Član 4. Isključenja

- Osiguravač neće ni u kom slučaju nadoknaditi štetu, pa i ako je osiguranik po opštim propisima za nju odgovoran, ako je nastala kao posljedica jednog od sljedećih uzroka:
 - Zle namjere ili grube nemarnosti
Osiguravač nije obavezan da nadoknadi štete nastale usljed zle namjere ili grube nemarnosti osiguranika/ugovarača.
 - Ugovorom dogovorenih rokova isporuke
Ovim Uslovima osiguranja nije pokrivena odgovornost osiguranika ako je ugovoreni rok prijevoza kraći nego što je to uobičajeno za takvu vrstu pošiljke na toj relaciji, pa je šteta na pošiljci nastala kao posljedica neispunjenja ugovorenog roka.
 - Neispunjenja ugovora o prijevozu
Osiguravač neće nadoknaditi štete nastale na pošiljci zbog toga što je osiguranik zaključio Ugovor o prijevozu, ali nije



- preuzeo pošiljku na prevoz ili se javio naručiocu prijevoza sa zakašnjenjem i time prekršio ugovor o prijevozu.
4. **Besplatnog prevoza i neprijavljene vozarine**
Osiguravač neće nadoknaditi štetu na pošiljkama za koje nije obračunata vozarina ili ista nije prijavljena Osiguravaču za obračun premije.
 5. **Prevoza poštanskih pošiljaka**
Odgovornost za poštanske pošiljke nije pokrivena ovim osiguranjem.
 6. **Isplate zastarjelih potraživanja**
Osiguravač neće nadoknaditi osiguraniku oštete koje je ovaj isplatio bez saglasnosti Osiguravača nakon isteka roka zastare.
 7. **Posredne štete**
Osiguranik neće naknaditi osiguraniku posredne štete kao što je gubitak tržišta ili gubitak zarade, kao ni štete od zagađenja okoline, čak ni kada su takve štete posljedica ostvarenog osiguranog slučaja.
 8. **Svjesnog postupanja protivno Zakonu o sigurnosti u cestovnom prometu**
vožnja pod uticajem alkohola, droga, prekoračenje dozvoljene brzine za sigurnu vožnju i postupanja sa teretom (pretovar, odnosno preopterećenje) ako postoji uzročno posljedična veza između štetnog događaja i kršenja propisa.
 9. **Štete na pošiljkama u vlasništvu osiguranika, osiguranikovog bračnog druga, djece ili drugih lica koja s njim živi u zajedničkom domaćinstvu,**
 10. **Rata, invazije, djelovanja vanjskih neprijatelja, građanskog rata, otpora, revolucije, ustanka, vojnog ili protuzakonitog preuzimanja vlasti, zapljene ili nacionalizacije ili uništena, odnosno oštećenja imovine prema zahtjevu bilo koje vlade ili lokalne ili javne vlasti,**
 11. **Štrajka, prestanka rada, nemira, državnog ustanka**
 12. **Radioaktivnog zračenja ili kontaminacije s radioaktivnošću, neovisno o izvoru radioaktivne materije,**
 13. **Prirodnih katastrofa (potresa, vulkana, poplava, tornada),**
 14. **Lošeg održavanja prevoznog sredstva, što je uzrok štete na teretu;**
 15. **Fiktivnog manjka;**
 16. **Ostavljanja vozila ili priključnog vozila bez nadzora;**
 17. **Štete nastale zbog neispravnog slaganja robe u vozilu;**
 18. **Štete nastale zbog isporuke robe neovlaštenom licu, odnosno licu koje prema tovarnome listu ili prema drugom prevoznom dokumentu nije ovlašten primalac robe;**
 19. **Štete na bilo koji način vezane uz novčane kazne, globe i slično;**
 20. **Ekološke štete;**
 21. **Štete nastale zbog uzroka koji se ne mogu svrstati pod prevoznikovu krivicu, odnosno odgovornost;**
 22. **Oštete koje je osiguranik isplatio bez odobrenja osiguravača**
 23. **Štete zbog gubitka vozarine**
 24. **Štete nastale zbog prevoza u otvorenim vozilima robe nepodnesne za takav prevoz**
 25. **Štete nastale zbog prirodnih svojstava robe koja je predmet prevoza**
 26. **Štete nastale zbog bilo kakve prevoznikove odgovornosti pri vuči drugih vozila ili predmeta, pri prevozu plemenitih metala ili izrađenih od tih metala, dragoga kamenja, novca, vrijednosnih papira, umjetničkih predmeta, rariteta, dokumenata, kolekcionarskih ili muzejskih eksponata ili predmeta, eksplozivnih i/ili lakozapaljivih sredstava, opasnih materija, teških tereta (onih za koje je zbog njihove veličine ili težine potrebno dobiti posebno odobrenje za prevoz), vozila bilo koje vrste, selidbenih stvari, živih životinja i pošiljaka koje se moraju prevoziti uz korišćenje posebnih rashladnih uređaja, ako to nije posebno ugovoreno u polisi ili u Dodatku (Anex-u) polisi u pisanoj formi potpisanoj od obe ugovorne strane i koji čini sastavni dio police;**

Član 5.

Gubitak prava iz osiguranja

1. **Osiguranik gubi prava iz osiguranja:**
 1. ako je ostvarenje rizika osiguranoga prema ovim Uslovima nastupilo zato što vozilo nije bilo zaključano ili zato što je krađa bila olakšana na koji drugi način (uključujući i parkiranje na neodgovarajuće čuvanom ili osvjetljenom mjestu tokom prekida putovanja zbog odmora vozača ili slično);

2. za vrijeme dok vozilom upravlja lice koje nema odgovarajuću vozačku dozvolu za upravljanje tom vrstom vozila.
2. Ako je šteta nastala za vrijeme dok je vozač koji upravlja vozilom pod uticajem alkohola, droga ili drugih narkotika, osiguravač će nadoknaditi nastalu štetu, ali zadržava pravo regresu od vozača koji je pod navedenim uslovima prouzrokovao štetu trećem licu. Prema ovim Uslovima smatraće se da je lice pod uticajem alkohola ako se analizom krvi ili drugom metodom mjerenja koncentracije alkohola utvrdi udio alkohola u krvi veći od zakonom dopuštene granice ili ako se nakon nezgode lice odbije podvrgnuti ispitivanju količine alkohola u krvi. Prema ovim Uslovima smatraće se da je lice pod uticajem narkotika ako se stručnim pregledom utvrde znakovi poremećenosti zbog upotrebe droge ili drugih narkotika ili ako se lice nakon nezgode odbije podvrgnuti ispitivanju količine narkotika u krvi.

Član 6.

Teritorijalna valjanost osiguranja

1. Pokriće prema ovim Uslovima važi ako do osiguranog slučaja dođe na teritoriju Bosne i Hercegovine i izvan njenih granica (područje zemalja članica CMR konvencije). Osiguranje prevoznikove odgovornosti zaključeno za međunarodni prevoz automatski pokriva i osiguranje prevoznikove odgovornosti u domaćem prevozu.

Član 7.

Identifikacija prevoznog sredstva

1. Osiguranjem prema ovim Uslovima obuhvaćena su vučna i priključna vozila navedena na polici osiguranja ili prema spisku koji je sastavni dio police.
2. Osiguranik je dužan priložiti osiguravaču primjerke saobraćajnih dozvola i knjižica vozila na koje se odnosi osiguranje zaključeno prema ovim Uslovima.
3. U slučaju ulaska novih vozila u osiguranikov vozni park, odnosno uključivanja u osiguranje i vozila koja nisu navedena u popisu iz st. 1. ovoga člana, pokrivanje za njih pruža se od trenutka kada se takva vozila posebno prijave u osiguranje, kada se i za njih dostavi dokumentacija iz st. 2. ovoga člana i kad se uključe u obračun premije u skladu sa odredbama ovih Uslova i/ili Premijskog sistema za ovu vrstu osiguranja.

Član 8.

Obaveze Ugovarača osiguranja

Ugovarač osiguranja dužan je:

1. pri zaključivanju ugovora o osiguranju prijaviti osiguravaču sve okolnosti koje je znao ili je morao znati, a važne su za ocjenu rizika;
2. pri zaključivanju ugovora o osiguranju platiti premiju osiguranja na ugovoreni način;
3. obavijestiti osiguravača o svakoj promjeni okolnosti koja može biti važna za promjenu rizika nezavisno je li rizik promijenjen njegovom voljom ili postupkom ili bez njegova uticaja.
4. Ako pri zaključenju osiguranja Osiguranik nije prijavio povećani rizik ili ako nije prijavio povećanje rizika tokom perioda osiguranja niti je za to plaćena dodatna premija - osigurana suma će se umanjiti u odnosu između plaćene premije i premije koja je trebala biti plaćena, ali samo ako je moguće zaključiti osiguranje i za tako povećani rizik. Povećanjem rizika u smislu odredaba ovoga stava podrazumijevaju se i naknadne ugradnje opreme vozila, prenamjena vozila, značajna promjena vrste tereta koji se stalno ili povremeno prevozi te značajna promjena vrste i oblika karoserije.

Član 9.

Osiguranikove obaveze nakon nastanka osiguranog slučaja

1. Osiguranik ili od njega ovlašteno lice obavezno je svaku vidljivu štetu, koja je prema ovim Uslovima pokrivena osiguranjem, utvrditi zapisnikom na uobičajen način zajedno s korisnikom prevoza i/ili primaocem.
2. Osiguranik je dužan obavijestiti osiguravača i onda kada zahtjev za nadoknadu štete protiv njega bude pokrenut

sudskim putem, kada bude stavljen u pritvor i onda kada bude pokrenut postupak za osiguranje dokaza.

3. Ako je sproveden uvid, ako je podignuta optužnica ili ako je donesena odluka o kaznenom postupku, osiguranik je dužan o tomu odmah obavijestiti osiguravača pa i onda kada je već prijavio nastanak štetnog događaja. Osiguranik je, takođe, dužan dostaviti i nalaz mjerodavnog organa u vezi nastalog štetnog događaja.
4. Kod nastanka osiguranog slučaja usljed provalne krađe, otimačine ili drugog krivičnog djela, osiguranik je dužan bez odgode takav slučaj prijaviti policiji.
5. Osiguranik nije ovlašten bez prethodne saglasnosti osiguravača izjašnjavati se o zahtjevu za nadoknadu štete, a posebno priznati ga potpuno ili djelomično, o zahtjevu za nadoknadu štete nagoditi se ili obaviti isplatu, osim ako se prema činjeničnom stanju nije moglo odbiti priznanje, nagodba ili isplata, a da se time ne učini očigledna nepravda. Ako je osiguranik u zabludi smatrao da postoji njegova odgovornost ili da su ispravno utvrđene činjenice, to ga neće opravdati.
6. Ako oštećenik tužbu za nadoknadu štete podnese protiv osiguranika, osiguranik je dužan odmah, a najkasnije u roku od 3 dana dostaviti osiguravaču sudski poziv i/ili tužbu i sve dokumente u vezi štetnog događaja i vođenje spora prepustiti osiguravaču.
7. Ako se osiguranik protivi prijedlogu osiguravača da se zahtjev za nadoknadu štete riješi nagodbom, osiguravač nije dužan platiti višak nadoknade, kamata i/ili troškova koji zbog toga mogu nastati.
8. Ako oštećenik zahtjev za nadoknadu štete podnese neposredno osiguravaču, osiguranik je dužan osiguravaču pružiti sve dokaze i podatke kojima raspolaže, a koji su neophodni za ocjenu osnovanosti zahtjeva i za utvrđivanje odgovornosti za nastalu štetu te obima i visine štete.
9. Osiguranik će snositi eventualne štetne posljedice zbog nepriдрžavanja obaveza iz ovoga člana, osim ako bi one nastale i da se držao svojih obaveza.
10. Osiguranik je dužan poduzeti sve potrebne mjere da se spriječi odnosno smanji šteta.

Član 10.

Premija osiguranja

1. **Osiguranje odgovornosti za prevoznike prema bruto vozarini**
Ugovor o osiguranju od odgovornosti vozara može se zaključiti na period od godinu dana ili na neodređeno vrijeme. Ako se zaključuje na neodređeno vrijeme, navodi se samo početak osiguranja, odnosno ako se zaključuje jednogodišnje navodi se i početak i istek osiguranja.
Osiguranik plaća godišnju premiju po ugovorenoj stopi od ukupnog iznosa bruto vozarine i pristojbi za ukrcaj, prekrcaj i iskrcaj robe u domaćem cestovnom prijevozu. Na početku obračunskog perioda osiguranja, osiguranik plaća akontaciju premije koja se obračunava na osnovu ostvarene realizacije vozarine iz godine koja prethodi godini osiguranja ili na osnovu planiranog iznosa vozarine za obračunski period osiguranja. Konačan obračun premije obračunava se na kraju perioda osiguranja. Prilikom zaključenja osiguranja ugovara se minimalna godišnja premija osiguranja, što se obavezno unosi u polis osiguranja.
2. **Osiguranje odgovornosti za prevoznike po pojedinom vozilu**
Osiguranik plaća fiksnu godišnju premiju za svako vozilo posebno. Prilikom određivanja premije, Osiguravač uzima u obzir nosivosti vozila kojim se vrši prevoz, kao i ugovoreni limit pokrića za jedno vozilo po jednom prijevozu.

Član 11.

Plaćanje premije

1. Ugovarač osiguranja dužan je platiti premiju osiguranja, ali je Osiguravač dužan primiti uplatu premije od svake osobe koja ima pravni interes da ona bude plaćena.
2. Premija se plaća u ugovorenim rokovima, a ako treba da se uplati odjednom, plaća se prilikom sklapanja ugovora.

3. Ako ugovarač osiguranja ne plati premiju u ugovorenom roku Osiguravač može obračunati zateznu kamatu ili potraživati naknadu naznačenu na polici osiguranja, čija visina je utvrđena posebnom odlukom osiguravača koja je važila na dan zaključenja ugovora o osiguranju kao i naplatiti troškove slanja opomena zbog neplaćanja.
4. Ako se premija plaća putem banke ili pošte, smatrat će se da je premija plaćena onda kad je uplata premije evidentirana na računu Osiguravača.
5. Ako ugovarač osiguranja premiju, koja je dospjela nakon sklapanja ugovora, ne plati do dospelosti, niti to učini koja druga zainteresovana osoba, ugovor o osiguranju prestaje po samom zakonu nakon isteka roka od 30 dana od dana kada je na adresu ugovarača osiguranja uručeno preporučeno pismo Osiguravača s izvještajem o dospelosti premije.

Član 12.

Trajanje osiguranja

1. Obaveza Osiguravača iz ugovora o osiguranju počinje po isteku 24-tog sata dana koji je u polisi naveden kao početak osiguranja ako je do tog dana plaćena premija ili prva rata premije, odnosno po isteku 24-tog sata dana kada je premija plaćena, ako nije drugačije ugovoreno.
2. Ako je ugovoreno plaćanje na rate ili odgođeno plaćanje u polisi osiguranja, a osiguranik nije izvršio svoju obavezu plaćanja premije ili rate premije u ugovorenom roku, obaveza Osiguravača za naknadu štete počinje po isteku 24-tog sata dana kada je osiguranik uplatio premiju ili prvu ratu premije, ako do tada nije raskinut ugovor.
3. Obaveza Osiguravača prestaje po isteku 24-tog sata dana koji je u ispravi o osiguranju naveden kao dan isteka osiguranja.
4. Osiguravač može raskinuti ugovor o osiguranju i prije roka iz prethodnoga stava ovoga člana ako su se bitno promijenile okolnosti na osnovu kojih je osiguranje zaključeno.
5. Osiguranje po ovim Uslovima se može zaključiti na period od jedne godine, bez automatske obnove osiguranja i na neodređeno vrijeme.

Član 13.

Pregled poslovnih knjiga i evidencija

1. Osiguravač ima pravo pregleda odgovarajućih poslovnih knjiga i evidencija osiguranika u cilju uvida u ispravnost prijavljenih podataka za obračun premije.
2. Osiguravač je dužan da podatke iz dostavljenih prijava, kao i podatke koje je saznao prilikom pregleda poslovnih knjiga i evidencija osiguranika čuva kao poslovnu tajnu.
3. Osiguranik se obavezuje osiguravaču ili od njega ovlaštenim licima omogućiti nesmetan uvid u poslovne knjige i evidencije prema stavu 1. ovoga člana.

Član 14.

Sniženje ili povećanje premije

1. Osiguravač će svake godine obračunati osiguraniku bonus ili malus na premijsku stopu iz tarife, uzimajući u obzir njegov individualni tehnički rezultat u zadnje tri godine prema sljedećoj tablici:

Procenat % likvidiranih šteta u odnosu na tehničku premiju u protekle 3 godine	Smanjenje odnosno povećanje premijske stope iznosi:
ispod 60%	smanjenje (bonus) za 50% razlike između 60% i ostvarenog % šteta.
između 60% i 100%	bez smanjenja ili povećanja stope
preko 100%	povećanje (malus) za 50% razlike između 100% i ostvarenog % šteta.

Član 15.

Utvrđivanje i prijava šteta

1. Osiguranik je dužan da odmah, a najkasnije u roku od tri dana po saznanju, prijavi Osiguravaču nastali osigurani slučaj, i da



što prije, a najkasnije u roku od tri dana, pismeno potvrdi prijavu učinjenu usmeno, telefonski, neposrednom radio vezom, ili na koji drugi način;

Član 16.

Dokumentiranje odštetnog zahtjeva

1. Ako oštećena osoba podnese odštetni zahtjev, osiguranik je odmah dužan da ga dostavi Osiguravaču zajedno sa svim dokumentima i podacima potrebnim za rješavanje štete kao što su:
 - odštetni zahtjev oštećene osobe,
 - prevozna isprava,
 - faktura ili drugi dokaz o vrijednosti pošiljke,
 - pismena isprava o preuzimanju pošiljke na prevoz,
 - zapisnička izjava vozača i njegovih pomoćnika o uzrocima i okolnostima štete,
 - pismena dokumentacija na temelju kojih bi se moglo utvrditi postojanje ili nepostojanje odgovornosti Osiguranika za nastalu štetu, kao i
 - dokaze i izjave koje Osiguravač naknadno zahtjeva radi odobravanja odštetnog zahtjeva.
2. Ako se iz okolnosti nastanka štete ili iz podnijete dokumentacije ne može sa sigurnošću utvrditi odgovornost osiguranika za nastalu štetu ili njenu visinu, Osiguravač je dužan da osiguraniku pruži odgovarajuće upute da se odbrani od takvih nedokazanih i neosnovanih ili previsokih odštetnih zahtjeva.
3. U nedostatku izričitih uputa od strane Osiguravača, osiguranik je dužan poduzeti sve razumne mjere koje nađe potrebnim radi zaštite od neosnovanosti zahtjeva. O poduzetim mjerama osiguranik je dužan bez odlaganja obavijestiti Osiguravača.

Član 17.

Traženje saglasnosti

1. Osiguranik je dužan prije priznavanja svoje obaveze zatražiti saglasnost osiguravača i držati se njegovih uputa.
2. Ako Osiguranik ne postupi u skladu sa prethodnim stavom, Osiguravač može odbiti isplatu naknade, potpuno ili djelomično, ako smatra (dokaže) da Osiguranik nije bio odgovoran za nastalu štetu ili da je njegova odgovornost manja od one koju je priznao.
3. Odredba iz prethodnog stava primjenjivat će se i na slučajeve iz sudskog ili arbitražnog spora ako osiguranik o tome nije na vrijeme obavijestio Osiguravača pa ovaj stavi opravdane prigovore u vezi s vođenjem spora.

Član 18.

Visina odštete i franšiza

1. Visina odštete za potpuni ili djelomični gubitak ili oštećenje pošiljke obračunava se prema vrijednosti pošiljke koju je imala u vrijeme i u mjestu otpreme.
2. Isplata štete vrši se po odbitku 10% od visine svake pojedinačne štete (franšiza osiguranika), ali ne manje od 1.000,00 KM.
3. Odredbe o franšizi iz prethodnog stava se primjenjuju kod obje kombinacije pokrića („A“ i „B“) iz člana 3. ovih Uslova.
4. Osiguranje prema ovim uslovima može se, uz plaćanje dodatne premije ugovoriti i bez odbitne franšize.

Član 19.

Isplata štete

1. Nakon utvrđivanja odgovornosti osiguranika i obaveze Osiguravača za nastalu štetu i visinu štete, Osiguravač će najkasnije u roku od 14 dana po prijemu svih potrebnih dokumenata isplatiti naknadu štete Osiguraniku ili na njegovo traženje podnosiocu odštetnog zahtjeva.

Član 20.

Pravo na regres Osiguravača

1. Isplatom naknade za nastalu štetu na Osiguravača prelaze sva prava Osiguranika prema osobama odgovornim za štetu.
2. Osiguranik je dužan da na vrijeme preduzme sve potrebne mjere radi obezbjeđenja regresnog prava prema licima odgovornim za nastalu štetu.

3. Ako osiguranik ne postupi u skladu sa prethodnim stavom odgovoran je Osiguravaču za iznos koji ovaj nije mogao ostvariti putem regresa od osobe odgovorne za štetu.

Član 21.

Postupak vještačenja

1. U slučaju da se Osiguravač i Osiguranik ili Ugovarač, ne slože u pogledu vrste i obima posljedica nesretnog slučaja, Osiguranik ili Ugovarač mogu uložiti prigovor nadležnom sektoru u Direkciji Osiguravača ili Osiguravač i Osiguranik ili Ugovarač mogu utvrđivanje spornih činjenica povjeriti dvojici vještaka, od kojih jednog imenuje Osiguravač, a drugog suprotna strana. Prije vještačenja, ova dvojica vještaka biraju trećeg vještaka, koji će dati svoje stručno mišljenje i to samo o pitanjima koja ostanu sporna među vještacima i u granicama njihovih procjena.
2. Ako se imenovani vještaci ne mogu složiti oko izbora trećeg vještaka, nadležni sud imenovat će vještaka koji će biti zadužen za taj osigurani slučaj.
3. Svaka strana plaća svoje troškove vještaka koga je imenovala, a trećem vještaku plaćaju obje strane po pola.
4. Zaključci vještaka obavezujući su za obje strane.

Član 22.

Zabrana netačnog prikazivanja sadržaja Uslova korisnicima prijevoza

1. Ovim Uslovima pokrivena je samo odgovornost osiguranika kao vozača za štete na pošiljkama preuzetim na prevoz.
2. Zbog toga osiguranik ne smije postupati kod korisnika prijevoza sa tvrdnjom da je osiguranjem po ovim Uslovima osigurana i sama pošiljka (kargo osiguranje) i time dovesti vlasnika pošiljke u zabludu da su i njegovi interesi osigurani ugovorom o osiguranju zaključenim po ovim Uslovima osiguranja.

Član 23.

Otkaz Ugovora

1. Ako je osiguranje zaključeno na neodređeno vrijeme, svaka ugovorna strana može otkazati Ugovor sa danom dospelosti premije obavještavajući drugu stranu preporučenim pismom najkasnije 3 (tri) mjeseca prije dospelosti premije.
2. Izuzetno od odredbe iz prethodnog stava, Osiguravač može otkazati osiguranje po ovim Uslovima i bez otkaznog roka, ako utvrdi da je osiguranik prekršio zabranu predviđenu odredbom člana 22. ovih Uslova osiguranja.
3. Prenos prava i obaveza iz ugovora o osiguranju može se obaviti jedino uz izričitu pisanu saglasnost osiguravača.

Član 24.

Povrat premije

1. Kod osiguranja prevoznika po pojedinom vozilu u slučaju prestanka važenja ugovora o osiguranju prije isteka perioda za koji je premija plaćena, zbog prodaje, odjave vozila iz saobraćaja (radi uništenja, otuđenja) ili prestanka obavljanja djelatnosti Osiguravač je dužan na zahtjev osiguranika vratiti premiju za preostalo vrijeme osiguranja od prijema pisanog zahtjeva za povrat premije (po sistemu pro-rata temporis) ako osigurani slučaj do tada nije nastupio.
2. Kod osiguranja prevoznika prema bruto vozarini vozar ima pravo na povrat premije istekom osiguravateljnog perioda ukoliko se utvrdi da je akontativna premija veća od konačno obračunate premije saglasnosno članu 10. Stav 1.
3. Ako je u godini osiguranja nastupio osigurani slučaj Osiguravaču pripada premija za tekuću godinu osiguranja u cjelosti.
4. Ako je osigurano vozilo uništeno prije početka osiguranja Osiguravač vraća plaćenu premiju u cjelosti za to vozilo.
5. Ukoliko se vrši prekid polise prije njenog ugovorenog isteka a da pri tom razlog prekida nije prodaja, odjava ili uništenje, iskorišteni dio premije se obračunava po kratkoročnoj skali.

Skala za obračun kratkoročnog prekida osiguranja

Rb	Trajanje osiguranja	Od godišnje premije
1	do 15 dana	15%
2	do 1 mjesec	20%
3	do 2 mjeseca	30%
4	do 3 mjeseca	40%
5	do 4 mjeseca	50%
6	do 5 mjeseci	60%
7	do 6 mjeseci	70%
8	do 7 mjeseci	80%
9	do 8 mjeseci	90%
10	preko 8 mjeseci	100%

Navedeni Opći uslovi za osiguranje odgovornosti vozara za robu primljenu na prijevoz u međunarodnom transportu 1003-1 2015-1 stupaju na snagu sa danom donošenja, a primjenjuju se od dana izdavanja saglasnosti Agencije za nadzor osiguranja tj. od 25.03.2016.godine
Stupanjem na snagu ovih Opštih uslova za osiguranje od odgovornosti vozara za robu primljenu na prevoz u međunarodnom transportu stavljaju se van snage Opšti uslovi za osiguranje odgovornosti prevoznika za štete na pošiljkama u međunarodnom transportu UO-1003-1 od 05.07.2007.godine



Direktor Društva

Feđa Morankić

1-458/16

6. Obračun iskorištenog dijela premije i primjena procenta zavisi od dana iskorištenosti od početka skadence do podnošenja zahtjeva za prekid.
7. Po obračunu dana pripadajući procenat u obračunu se primjenjuje na polisiranu (ugovorenu) premiju i iskorišteni dio premije se stavi u korelaciju sa uplatama.
8. Ukoliko je uplaćeni iznos veći od iskorištenog Osiguravač je dužan razliku isplatiti Ugovaraču ili iznosom povrata zatvoriti potraživanja koja ima od istog Ugovarača.
9. Ukoliko je uplaćeni iznos manji od iskorištenog Ugovarač osiguranja je dužan razliku uplatiti na transakcijski račun Osiguravača.

**Član 25.
Promjena adrese**

1. Ugovarač osiguranja dužan je o promjeni imena ili adrese, odnosno promjeni naziva - firme i sjedišta (poslovnih prostorija) obavijestiti Osiguravača u roku od 15 dana od dana nastale promjene.
2. Ako Ugovarač osiguranja ne obavijesti Osiguravača o promjeni iz prethodnog stava, za vrijednost obavijesti dovoljno je da Osiguravač uputi osiguraniku preporučeno pismo prema posljednjim podacima o adresi stana, poslovnih prostorija, odnosno nazivu firme kojima raspolaže. Obavještenje vrijedi od dana od kojega bi u normalnim okolnostima vrijedilo da nije bilo promjena iz prethodnog stava.

**Član 26.
Izmjena uslova osiguranja i tarifa premija**

1. Ako Osiguravač izmjeni uslove osiguranja ili tarifu premija dužan je o tome pismeno ili na drugi pogodan način obavijestiti Ugovarača osiguranja najkasnije trideset dana prije isteka tekuće godine osiguranja.
2. Ugovarač osiguranja ima pravo otkazati ugovor o osiguranju u roku od 30 dana od dana prijema obavještenja. U tom slučaju ugovor o osiguranju prestaje istekom tekuće godine osiguranja.
3. Ako Ugovarač osiguranja ne otkáže ugovor o osiguranju u roku iz stava 2. ovoga člana, ugovor o osiguranju se početkom sljedećeg perioda osiguranja mijenja u skladu s izvršenim promjenama u uslovima osiguranja, odnosno tarifi premija.

**Član 27.
Nadležnost u slučaju spora**

U slučaju spora između ugovarača osiguranja odnosno osiguranika i Osiguravača, nadležan je Općinski sud u Sarajevu.

